



Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 37. Galliarum Regis edictum contra cunctos hæresis damnatos.

[urn:nbn:de:hbz:466:1-66565](https://nbn-resolving.de/urn:nbn:de:hbz:466:1-66565)

Sæcul. XVI.

A. C. 1555.

§. XXXVI.

*Cardinalis Polus sacro Presbyteratus
Ordine iniciatus.*

Ciacon p.63.

Cum autem Regina Polum Cardinalem elegisset, ut Cranmero in Cantuariensis Archiepiscopatus dignitate succederet, hinc idem, cum antea non nisi Diaconus esset, exeunte hoc anno sacram Presbyteratus ordinem suscepit, hujus tamen Archiepiscopatus professionem nonnisi quarto post Mense ingressus erat, eoque sibi religioni duceret, vivente adhuc Cranmero in Archiepiscopum inaugurarī.

§. XXXVII.

*Galliarum Regis edictum contra cun-
dotos hæresis damnatos.*Sleid. comm.
l. 26.Tau. lib. 16.
n. 7.Belc. comm.
l. 26. n. 66.

Interea Henricus II. Galliarum Rex Neapolitanæ expeditioni intentus, etiam sibi Neo-electum Pontificem quodam obsequio devincire satagebat, quapropter edictum priori, quod ante quadriennium ediderat, omnino oppositum promulgari jussit, vi cuius sibi plenam, atque integrā de hæresis crimine cognoscendi potestatē reservabat, saltem si accusatio omnino liquida esset, aut de Personæ Ecclesiasticæ judicio non ageretur. Ex adverso autem per præfens edictum hoc anno divulgatum Rex omni-

omnibus suis Gubernatoribus, ac justi-
tiæ Ministris per universum regnum
mandabat, ut omnes, quos cunque Eccle-
siastici Judices, ac fidei Inquisitores de
hæresi convictos damnassent, pro deli-
cti gravitate statim, & absque mora, nec
ullius appellationis habita ratione pu-
nirent (*). Hoc edictum ipse Lotha-
ringius

Sæcul. XVI.

A.C. 1555.

(*) Nempe jam tum etiam in Galliis satis
comprobatum erat, quod a Judicibus, vel a
Pontifice ad Concilium appellandi libertas u-
nice introducta fuerit, ut omnium criminum
impunitas, ac hæresis profitendæ, necnon pro-
pagandæ libertas magis invalescere valeat:
hanc ob rem etiam in Anglia Cranmero, qui
hac appellatione judicum severitatem, debi-
tasque pœnas eludere studebat, hæc facultas
concessa haud fuit, ut testatur Bossuetius l. c.
his verbis fol. mihi 267. edit. latin. Vienn. an-
no 1753. *Cranmerus ad protrahendam senten-
tiam obtulit se ad defendendam doctrinam suam
coram Pontifice, eo quod illum agnosceret, cum-
que ejus nomine damnaretur, provocavit ad Con-
cilium, denique cum nec provocatio admittere-
tur, spe unica abjuravit errores Lutheri, &
Zwinglii; confessus est realem præsentiam in
scripto verbis veri alias doloris indicis refer-
to, cumque videret, se nihilominus damnatum,
abjurationem revocavit; sed mox denuo debi-
lem adhuc spem habens venie, abjuravit, &
Hist. Eccles. Tom. XLII. S abju-*

Sæcul. XVI. ringius Cardinalis Parisiensi Regis Se-
A.C. 1555. natui proponere voluit, ut a Senatori-
bus pro veteri more comprobatum de-
nique promulgaretur, atque in usum de-
duceretur. Comparebat ergo ipse mot in
Senatu, suamque petitionem gravibus
admodum argumentis fulciebat: verum
Senatores hac propositione commoti
rem novam esse arbitrabantur, quod in
eiusmodi eventibus appellandi reme-
dium denegaretur, quapropter delibe-
randi spatium petentes missis ad Re-
gem Oratoribus, quid ipsi censerent, ex-
ponebant.

§. XXXVIII.

Senatus sententia circa hoc Regis edictum.

Sleidan. l. 26. Postquam Lotharingius, & Turnonius
Cardinales Romam discesserant, tunc
primum Senatores die decima sexta O-
ctobris

abjurationem de novo signavit, volens tamen
consulere conscientiae, secretam, inquit Burnet,
confessionem fidei suæ sincere scripsit, secumque
ad supplicium tulit, adeoque quamdiu spes vita
supererat, publice protestans videri noluit, deni-
que cum nihilominus ardendum sibi esse intelli-
geret, videns nil ultra se perdere, aut lucrari
posse; ut saltem speciem Martyrii mentiretur,
abjurationem suam revocavit, & hæresin pro-
fessus arsit.

